



OPĆINA KAKANJ

Služba civilne zaštite

Broj : 09/1-_____/19

Kakanj, _____ 2019. godine

IZVJEŠTAJ

o realizaciji i utrošku sredstava ostvarenih po osnovu naknade za vatrogastvo u 2018. godini

Općinsko vijeće Kakanj na 17. sjednici, održanoj 28.02.2018. godine, usvojilo je Program rasporeda i utroška planiranih sredstava od naknada za vatrogastvo u 2018. godini („Službene novine Općine Kakanj”, broj: 4/18). Ukupno planirana sredstva shodno navedenom Programu za 2018. godinu iznosila su **30.000,00 KM**, a u 2018. godini po osnovu naknade za vatrogastvo i na osnovu potraživanja iz predhodnih godina je uplaćeno **24.706,14 KM**.

Shodno navedenom Programu i prikupljenim sredstvima izvršena je realizacija kako je prikazano u tabeli:

1	2	3	4
OPIS RASHODA	PLANIRANA SREDSTVA U 2018.g.	UTROŠENA SREDSTVA	NEUTROŠENA SREDSTVA
<i>Nabavka vatrogasne opreme za vatrogasce</i>	<i>13.200,00</i>	<i>990,37</i>	<i>12.209,63</i>
<i>Nabavka tehničkih i drugih sredstava za vatrogasnu jedinicu</i>	<i>7.800,00</i>	<i>-</i>	<i>7.800,00</i>
<i>Stručno obučavanje i osposobljavanje vatrogasaca</i>	<i>3.000,00</i>	<i>3.000,00</i>	<i>-</i>
<i>Održavanje opreme i vatrogasnih sredstava vatrogasne jedinice</i>	<i>1.000,00</i>	<i>-</i>	<i>1.000,00</i>
<i>Investiciona izgradnja, opremanje i održavanje objekata za potrebe vatrogasne jedinice</i>	<i>5.000,00</i>	<i>5.000,00</i>	<i>-</i>
UKUPNO	30.000,00	8.990,37	21.009,63

Sredstva su namjenski utrošena u skladu sa donesenim Programom i prilikom sredstava po ovom osnovu a sredstva koja nisu naplaćena će biti potraživana u toku tekuće godine i planirana u Programu za 2019. godinu, shodno Odluci o naknadama za vatrogastvo odnosno Izmjenama i dopunama Odluke.

**POMOĆNIK OPĆINSKOG NAČELNIKA
SLUŽBA CIVILNE ZAŠTITE**

Nurudin Hrusto

PRAVNI OSNOV

Članom 132. stav 1. Zakona o zaštiti od požara i vatrogastvu („ Službene novine Zeničko-dobojskog kantona“, broj: 05/11), propisano je da „ Općina u skladu sa članom 124. tačka f) ovog zakona a u vezi sa članom 8. stav. 3. tačka 28., te u skladu sa članom 13. stav 2. tačka 4., članom 36. i 37. Zakona o principima lokalne samouprave u Federaciji BiH („ Službene novine Federacije BiH“, broj: 49/06) a na osnovu člana 24. stav 1. tačka 6. i člana 108. Statuta Općine Kakanj („Službene novine Općine Kakanj“, broj: 4/08) može donijeti Odluku o taksama odnosno naknadama za vatrogastvo, što je i učinjeno, nakon čega se godišnje sačinjava Program rasporeda i utroška planiranih sredstava od naknada za vatrogastvo za tekuću godinu sa namjenskim utroškom prikupljenih sredstava i transparentnim Izvještajem o utrošku istih sredstava koji usvaja Općinsko vijeće.

U cilju namjenskog i transparentnog utroška sredstava naknade za vatrogastvo, sačinjen je i realizovan Program raspodjele i utroška prikupljenih sredstava od naknada za vatrogastvo za 2018.godinu namijenjenih za materijalno opremanje i funkcionisanje Profesionalne vatrogasne jedinice Kakanj.

OBRAZLOŽENJE PO POJEDINAČNIM UTROŠCIMA

1. Nabavka vatrogasne opreme za vatrogasce

Shodno ukazanim potrebama i provedenim zakonskim procedurama putem postupka javnih nabavki izvršeno je nabavljanje odgovarajuće vatrogasne opreme, između ostalog: radne majice za vatrogasce – 19 kom, radne majice sa kragom – 25 kom, promotivne majice za članove Radio kluba Kakanj – 10 kom, baner za Radio klub Kakanj – 1 kom. Ukupan utrošak sredstava sa ove pozicije iznosi **990,37 KM**.

Realizacija nabavke i isporuke roba – vatrogasne opreme za vatrogasce i poseban materijal za servis, tehničkih i drugih sredstava za vatrogasnu jedinicu u budžetskoj 2018. godini nije izvršena iz razloga što je već potpisani Ugovor, broj: 119/18 od 07.11.2018. godine u ukupnom iznosu od 23.283,00 KM sa uračunatim PDV-om raskinut od strane Naručioca, Općina Kakanj iz razloga što se firma „INKOS“ EXPORT-IMPORT d.o.o. Kakanj kao prvorangirani dobavljač nije uopće javila Naručiocu roba Općini Kakanj vezano za isporuku roba nakon čega su protekli svi ugovoreni i zakonski rokovi za realizaciju predmetne nabavke.

2. Nabavka tehničkih i drugih sredstava za vatrogasnu jedinicu

U okviru ove stavke nije bilo realizovane nabavke sredstava i opreme u 2018. godini iz razloga navedenih u tački 1.

3. Stručno obučavanje i osposobljavanje vatrogasaca

Svakodnevno se radi na stručnom i modernijem obučavanju i osposobljavanju profesionalnih i dobrovoljnih vatrogasaca. Radi veće spremnosti, stručnog obučavanja i osposobljavanja vatrogasaca koje ima veliki značaj za obavljanje svih poslova koji zahtijevaju veliku opreznost i spremnost kao i odgovornost pri pružanju adekvatnog vatrogasnog i drugog odgovora vezanog za razne akcidentne situacije, u 2018 godini vršeno je stručno osposobljavanje vatrogasaca kao i subvencioniranje

redovnog rada članova Udruženja „Vatrogasno društvo Kakanj“ Kakanj/DVD pri čemu su utrošena raspoloživa sredstva u ukupnom iznosu od **3.000,00 KM**.

4. Održavanje opreme i vatrogasnih sredstava vatrogasne jedinice

U okviru ove stavke nije bilo realizovanih transfera u 2018. godini.

5. Investiciona izgradnja, opremanje i održavanje objekata za potrebe vatrogasne jedinice

Radi očuvanja i održavanja postojeće infrastrukture Vatrogasnog doma u Doboju neophodnog za rad i funkcionisanje Profesionalne vatrogasne jedinice Kakanj kao i postojećeg Udruženja „Vatrogasno društvo Kakanj“ Kakanj/DVD redovno se vrši rekonstrukcija, opremanje i održavanje objekata za potrebe vatrogasne jedinice (krečenje, infrastrukturna oprema i dr.). U 2018. godini je za nabavku, isporuku i ugradnju garažnih vrata u Vatrogasnom domu Doboju realizovanu kroz proceduru javne nabavke u okviru planirane stavke Investiciona izgradnja, opremanje i održavanje objekata za potrebe vatrogasne jedinice, sa ove stavke je realizovano i utrošeno **5.000,00 KM**.

OBRADIVAČ:
SLUŽBA CIVILNE ZAŠTITE
OPĆINE KAKANJ

PREDLAGAČ:
OPĆINSKI NAČELNIK

v.d. Aldin Šljivo

